



**Broj predmeta:** 02-000049/20  
**Broj akta:** 01.1-1149AD-422/20  
**Datum,** 16.11.2020. godine  
**Mjesto,** Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 16. 11. 2020. godine i z d a j e

## **N A R E D B U**

### **Član 1.**

- (1) Licu oboljelom od zarazne bolesti izazvane korona virusom (COVID-19) rješenjem Inspektorata Brčko distrikta BiH određuje se mjera izolacije i zdravstvenog nadzora.
- (2) Licu koje je bilo izloženo slučaju zarazne bolesti na takav način da je postojala mogućnost zaražavanja, rješenjem Inspektorata Brčko distrikta BiH određuje se mjera ograničenja kretanja i zdravstvenog nadzora.

### **Član 2.**

Rješenje iz člana 1. ove naredbe donosi se na osnovu službenih podataka Pododjeljenja za javno zdravstvo, Odjeljenja za zdravstvo i ostale usluge koji su dostavljeni Inspektoratu Brčko distrikta BiH elektronskim putem.

### **Član 3.**

Dužina trajanja mjera iz člana 1. ove naredbe određenih rješenjem Inspektorata Brčko distrikta BiH utvrđuje se u trajanju od najmanje deset dana.

### **Član 4.**

- (1) Početak trajanja mjera iz člana 1. ove naredbe je datum testiranja (uzimanja uzorka), odnosno datum posljednjeg kontakta s licem oboljelim od zarazne bolesti izazvane korona virusom ili licem koje je bilo izloženo slučaju zarazne bolesti na takav način da je postojala mogućnost zaražavanja.
- (2) Završetak trajanja mjera iz člana 1. ove naredbe određenih rješenjem Inspektorata Brčko distrikta BiH utvrđuje se na osnovu nalaza nadležnog ljekara, koji se obavezno dostavlja nadležnom inspektoru koji je donio rješenje iz člana 1. ove naredbe.

### **Član 5.**

- (1) Po završetku zdravstvenog nadzora, lica su dužna da se telefonskim putem jave nadležnom porodičnom ljekaru, koji će odrediti termin za pregled.
- (2) Nakon pregleda, porodični ljekar popunjava obrazac nalaza o završetku mjere, koji lice iz stava (1) ovog člana obavezno dostavlja nadležnom inspektor.
- (3) Obrazac nalaza o završetku mjere je sastavni dio ove naredbe.

### **Član 6.**

Lice kojem je izrečena mjera iz člana 1. ove naredbe dužno je da se javlja u Pododjeljenje za javno zdravstvo telefonskim putem svakodnevno na broj 080050606, i daje informacije o svom zdravstvenom stanju, kao i da postupa prema uputstvima datim od Pododjeljenja za javno zdravstvo, a posebno kad je u pitanju pravovremeno javljanje nadležnom ljekaru u trijažnoj ambulanti ili porodičnom ljekaru.

### **Član 7.**

Uputstvo o načinu ponašanja lica u toku izvršavanja mjera iz člana 1. ove naredbe je sastavni dio ove naredbe.

### **Član 8.**

Stupanjem na snagu ove naredbe stavlja se van snage naredba u predmetu broj: 02-000049/20, broj akta 01.1-1141SM-106/20 od 8. 4. 2020. godine.

### **Član 9.**

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

#### **DOSTAVITI:**

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Vijeću ministara Bosne i Hercegovine  
Trg BiH 1, Sarajevo, 71 000 Sarajevo
5. Ministarstvu sigurnosti Bosne i Hercegovine
6. Sekretaru Vlade (3x)
7. Odjeljenju za zdravstvo i ostale usluge
8. Odjeljenju za zdravstvo i ostale usluge  
- Pododjeljenje za javno zdravstvo
9. JZU „Zdravstveni centar Brčko“ Brčko distrikt BiH
10. Svim odjeljenjima Vlade (12x)
11. Uredu gradonačelnika / Inspektorat
12. Policiji Brčko distrikta BiH
13. Članovima Štaba (34x)
14. Ministarstvu sigurnosti BiH – Granična policija BiH
15. Institucijama Brčko distrikta BiH (8x)
16. Javnim preduzećima, fondovima i Zavodu (7x)
17. „Službenom glasniku Brčko distrikta BiH“
18. Arhivi.

**GRADONAČELNIK**

Mr. sc. Siniša Milić

ANEKS 1.

OBRAZAC – NALAZ O ZAVRŠETKU IZOLACIJE

**Bosna i Hercegovina**  
**BRČKO DISTRIKT**  
**BOSNE I HERCEGOVINE**  
Javna zdravstvena ustanova  
„Zdravstveni centar Brčko”



**Босна и Херцеговина**  
**БРЧКО ДИСТРИКТ**  
**БОСНЕ И ХЕРЦЕГОВИНЕ**  
Јавна здравствена установа  
„Здравствени центар Брчко”

Zdravstvena stanica: \_\_\_\_\_

Datum: \_\_\_\_\_

Broj protokola: \_\_\_\_\_

## NALAZ

Pacijent \_\_\_\_\_, rođen \_\_\_\_\_  
(ime, ime oca, prezime) (datum rođenja)

Nalaz se izdaje u svrhu završetka mjere \_\_\_\_\_; zbog bolesti/pozitivnog nalaza/

kontakta s pozitivnom osobom, koja je započela dana, \_\_\_\_\_

po Rješenju br. \_\_\_\_\_ od \_\_\_\_\_  
(datum)

Na današnjem pregledu pacijent navodi da unazad najmanje tri dana nema zdravstvenih tegoba u vezi sa COVID-19.

Fizikalni pregled: T \_\_\_\_\_; TA \_\_\_\_\_; CP \_\_\_\_\_

Pregled po sistemima: \_\_\_\_\_  
\_\_\_\_\_  
\_\_\_\_\_

Retestiran: NE/DA (datum, rezultat testa) \_\_\_\_\_

**Zaključak: Mjera \_\_\_\_\_ se završava s danom: \_\_\_\_\_**

**gdje u trenutku pregleda kod imenovanog/e ne postoje simptomi i znakovi koji se mogu povezati sa COVID-19, uz proteklo vrijeme izolacije u skladu s Kriterijima o prekidu izolacije/samoizolacije.**

**OVAJ NALAZ DUŽNI STE ODNIJETI U INSPEKTORAT BRČKO DISTRIKTA BiH!!!**

Ordinirajući ljekar:

**UPUTSTVO ZA LICA  
KOJA SU OBOLJELA OD ZARAZNE BOLESTI IZAZVANE KORONA VIRUSOM I LICA  
KOJA SU BILA IZLOŽENA SLUČAJU ZARAZNE BOLESTI NA TAKAV NAČIN DA JE  
POSTOJALA MOGUĆNOST ZARAŽAVANJA**

- Mjeriti tjelesnu temperaturu jednom dnevno;
- Osoba u samoizolaciji trebala bi biti u dobro prozračenoj jednokrevetnoj sobi;
- Ograničiti kretanje i minimalizirati dijeljenje prostora. Osigurati da su zajednički prostori (npr. kuhinja, kupatilo) dobro prozračeni (npr. držite prozore otvorenima);
- Članovi domaćinstva trebaju ostati u drugoj prostoriji ili, ako to nije moguće, održavati udaljenost najmanje 1,5 m od osobe u samoizolaciji;
- Ograničiti broj osoba u kontaktu;
- Izvršiti higijenu ruku nakon bilo koje vrste kontakta s osobom pod nadzorom ili njegovom neposrednom okolinom;
- Higijenu ruku treba obaviti i prije i nakon pripreme hrane, prije jela, nakon upotrebe toaleta i kad god ruke izgledaju prljavo. Ako ruke nisu vidno zaprljane, može se upotrijebiti sredstvo na bazi alkohola. Za vidno zaprljane ruke higijena ruku sapunom i vodom;
- Prilikom pranja ruku sapunom i vodom poželjna je upotreba papirnih ubrusa za jednokratnu upotrebu za sušenje ruku. Ako nisu dostupni, koristiti čiste peškire i zamijeniti ih kada postanu vlažni;
- Da bi se ograničilo širenje respiratornog sekreta, osoba u samoizolaciji treba strogo provoditi mjere higijene disajnog puta, tj. prekriti usta i nos prilikom kašljanja ili kihanja papirnom maramicom za jednokratnu upotrebu. Odbaciti ili na odgovarajući način očistiti materijale koji se upotrebljavaju za prekrivanje usta i nosa nakon upotrebe (npr. oprati maramicu običnim sapunom ili deterdžentom i vodom);
- Svakodnevno očistiti i dezinfikovati površine koje se često dodiruju, poput noćnih ormarića, kreveta i ostalog namještaja. Za čišćenje najprije treba koristiti sapun ili deterdžent za domaćinstvo, a nakon ispiranja treba primijeniti uobičajeno dezinfekcijsko sredstvo za domaćinstvo koje sadrži 0,5 (tj. 1/10 izbjeljivača s 9/10 vode);
- Očistiti i dezinfikovati površine kupatila i WC-a barem jednom dnevno. Za čišćenje treba koristiti sapun ili deterdžent za domaćinstvo, a nakon ispiranja dezinfekcijsko sredstvo za domaćinstvo koje sadrži 0,5% natrijevog hipohlorita;
- Oprati odjeću, posteljinu, peškire za kupanje itd. običnim sapunom i vodom ili u veš-mašini na 60–90 °C uobičajenim deterdžentom za domaćinstvo i dobro ih osušiti. Kontaminirane materijale staviti u vrećicu za rublje. Ne tresti i izbjegavati direktan dodir kože i odjeće s onečišćenim materijalima.